

天下郡國利病書

天下即國利病書

蘇
松

備
錄

松江府水利

已載蘇州府者不重見

宋宣和元年、兩浙提舉常平趙霖浚松江白鶴澚、又役夫八萬三千七百有奇、圍裹華亭泖為田、二年八月罷役。

紹興四年、鹽官丞王珏開華亭海河二百餘里、通漕溉田、民享其利。

十五年、通判曹泳重開顧會浦。

乾道二年、轉運副使姜詵開通波大港、港即顧會浦、置張涇堰閘、

七年、知秀州丘宗修華亭瀕海十八堰、遂移新涇堰於運港、所謂運港大堰、九年、

置鹽堰官於亭林、按前志、華亭東南竝海、自柘湖湮塞、置堰一十八所以

禦鹹潮、宋政和中、提舉常平官興修水利、欲涇亭林湖為田、書決隄堰

以泄湖水、華亭地勢東南高、西北低、果大抵自三泖五浦下注松江、以入海、雖決諸堰、湖水不可泄、鹹水竟入為害、於是東南四鄉為斥鹵

之地民流徙他郡中閩州縣官懼其害復故隄堰獨留新涇塘以通鹽

運海潮晨夕衝突塘以至閘三十餘丈鹹水延入蘇湖境上隆興間言

諸堰以姜說言而止是歲八月邑人右正言許克昌力言於朝時密以太博除知

秀州奉命行視與令堦觀議以新涇塘湖勢湍急運港距新涇二十里

水勢稍緩於是募四縣夫移堰於運港始九月二十六日終十二月二

十七日併築堰外諸港及運之兩岫東岫自堰至徐浦塘二十四里十

上閘六尺下閘一丈五尺高六尺明年正月遣御史蕭之敏按視還奏詔增築拱復租

九年以格復流民又明年正月遣中使宣諭守臣張元成增築二月持

設監堰官一員士軍五十人置司顧亭林以防贖運私發諸堰後堰外

隨潮沙漲罕不可壞二州之田得免鹹潮浸灌之患

淳熙二年立庸田司於平江檢瀆吳淞江沙泥浚各閘舊河瀆渠及松江

之張涇通波南北俞塘鹽鐵官紹寧龍蒲漚六磊石浦等塘

弘治初僉事伍性浚吳淞江中段四十餘里及顧會趙屯都臺諸浦蒲漚楊林新涇諸塘又議鑿吳江長橋兩岸淤土以洩湖流工未畢工部主事姚文灝代之

七年吳中大水命工部侍郎徐貫與主事祝榮會同巡撫都御史何鑑委知蘇州府史簡開浚吳江長橋水竇疏太湖之水以及吳淞江委松江府通判郝希賢濬吳淞江自帆歸口至分莊七十餘里以長洲吳江崑山常熟嘉定等縣人夫浚白茅港并斜堰七浦塘袤共二萬四千餘大井東開鐵鹽塘十八里西浚尤涇七里

十二年松江通判原應宿浚崑子浦卽今崑塘

嘉靖元年工部郎中顏如環督同蘇州知府徐贊松江知府孔輔蘇州府

同知冷宗元等自下界口開浚起至龍王廟舊江口止共長六千三百二十六丈二尺闊一十八丈深一丈二尺又督湖州府同知徐鸞開浚大錢小梅等港并沿湖七十二灣以通太湖之上流蘇州府通判孔賢開浚趙屯大盈道福等浦以通吳淞江之上流

崇禎八年巡撫張國維督知府岳貢華亭知縣張調鼎勘覈濬開塘長二百八十九丈內患口一百十九丈東西兩塘接連患口一百十七丈有奇東盡塘五十三丈官給料價工食銀二萬餘兩石塘以成十三年岳貢復建石塘二百六十三丈有奇官給料價工食二萬七千六百餘兩

嘉定縣志

志有漕糧永析疏 倭變事未抄

水利考

言東南水利者莫不以邨氏單氏為宗然世之相去五百年矣
河渠之乍分乍合迭湮迭濬可勝道哉語曰以書御馬者不盡
馬之情以古治今者不盡今之變善治水者固以水為師耳若
謂昔人之法可長用而不弊必為二子笑矣茲所論列皆長吏
可以施行者焉

海在縣東四十五里北自黃姚港南抵上海界環縣境凡八十餘
里海水鹹鹵而此地不異江湖頗有灌溉之利蓋南則黃浦吳淞
江北則劉家河又北則大江注焉半天下之水皆洄沿淤潏滌蕩
于數百里之內故與南北獨異耳夫治水者注之海則事畢矣然

沿海之民歲至夏秋之間不幸遇颶風靈雨挾潮而上漂沒人民
廬舍倏忽皆盡故至其時莫不惴惴然如虞寇至晉湖州刺史虞
潭築壘于沿海一帶以遏潮衝國朝洪武三十二年老人朱六
安具奏海患工部遣官修築北接崑山縣此時未建州治故云南
跨劉家河長一千八百一十丈高一丈基廣三丈面廣二丈永樂
二年水官何傳督工增築高倍于前成化八年僉事吳瑞知縣白
思明于寶山北舊壘外又築新壘嘉靖二十三年知縣張重又增
築其南直抵上海草蕩惟吳淞所迤北舊壘坍塌未修今數十年
來物力漸絀有司以工役為諱顧不念昔人經營豈其為此可已
之役哉創與修勞逸難易不啻半猶然莫之省則且終乞靈於海
若耶

吳淞江

又名笠澤江

在縣南三十六里其源西出於太湖分為龐山九

里尹山澹臺諸湖匯於獨墅湖流為江東北至甫里過夏駕浦乃

入縣境自顧浦黃渡而東至於江灣又東北至吳淞所城南凡二

百六十餘里而入於海嘉定初於宋季嘗置水軍千人於江灣專

給開江之役迨勝國屢經䟽濬然自吳江上流改築石橋咽喉阻

阨湖水入江之勢彌緩明興永樂初戶部尚書夏公原吉治水

吳中決新洋夏駕二口北注江水於劉家河又南濬范家浜入海

之口上接黃浦而奔直東百二十里之地不復濬此時水患孔殷

蓋祖用周文英遺策

先是郡人周文英建議謂江流淤塞天時氣

地置之不論而專意於江之東北而識者亦謂之詭時達變其後

劉家港白茆浦等開浚放水入海巡撫侍郎周公忱都御史崔公葵畢公亨工部尚書李公克嗣相

繼開江充嗣又請於夏駕新洋置牐事不果行至隆慶三年大侵
餓殍縱橫巡撫海公瑞議興開江之役以濟飢民獲請於朝以
兩月間疏縣之黃渡至上海南滄並加深廣所費官帑不過五萬
餘兩而已後十年御史林應訓繼疏黃渡以西至崑山千墩上流
江面亦加闢又三年朝廷念吳中水災用科臣言特設水利副
使一員專督其役發內帑十萬金以佐之於時主者不能因勢利
導強與水爭築壩之工十居其九逮於終事而岸無積土於是海
公所濬彌望復為平時矣夫沿江之上流壅則有沉濫之禍此昔
人所以為蘇松常湖嘉五郡憂者也沿江之下流塞則失灌漑之
利此今人所以為嘉上二邑憂者也故昔之治江者導之而南導
之而北惟恐其不分而今之論江者則惡夏駕新洋之北惡白蠟

諸湖之南為其流分勢殺不足以濡高亢滌渾潮也夫欲使江水自西而東復徃日故道非合數郡之力必不能任顧工大則支費難繼人衆則讒謗易起事分則心力不一自非督撫大臣不沮疑畏不避勞怨力為主持而擇賢有司各為分任務臻厥成則此沿海數百里之民幾何而不坐稿也

劉家河

即古姜江

在縣北二十四里發源于震澤從吳縣鮎魚口經郡

城之菱門東貫崑山又東至太倉環州城而南與縣合界又東三十里入於海元至元間朱清濬之以通海運國朝永樂初再濬則以救水災歷二百餘年下流橫溢每潮汐之至境內西北諸塘浦偕為咽喉以嘉定之土田亢瘠而其民猶得耕而食則此河之利居多哉

城中幹河二

橫瀝巨縣治左南北袤六十里南自孫基港口受吳淞江之水合上槎浦經南翔馬陸鎮入城至學宮之前為滙龍潭方廣數十丈北出抵婁塘自婁塘折而東北由雙塘折而西北由公塘俱入劉家河而從北直下者浸以微矣

練祁塘界縣治中東西長七十二里往時江湖之水自西南來澄澈如練故因以名其水西從顧浦納吳淞江之流東折貫于吳塘又東過鹽鐵塘入城東抵羅店鎮折而東北曰小練祁入于海其南一支折而東合馬路塘又東合月浦又東合采淘港入于海其

西南塘浦之大者凡十有九

吳淞江岸起自西境以次東抵橫瀝北以練祁為限

大盈浦南通青龍江北入吳淞江

大盧浦

俗名南渡頭南通青龍江北

徑馮浦入吳淞江 青龍江東通渡頭浦西連白鶴江 儼儻浦
南通蒲匯塘北入吳淞江 白鶴江南接青龍江北出吳淞江
高家浜南通蒲匯塘北入吳淞江 蟠龍江南通蒲匯塘北入吳
淞江 安亭涇東南通顧浦北下雞鳴塘 黃渡浦南通吳淞江
對岸為大盈浦北連吳塘 顧浦南通吳淞江北貫練祁又北會
吳塘達戚虞涇 吳塘南為黃渡浦達吳淞江北貫練祁出張涇
達劉家河 鹽鐵塘南為陸皎浦入吳淞江北貫練祁塘達劉家
河 陸皎浦南通吳淞江北連鹽鐵塘 雞鳴塘東通漳浦西貫
顧浦抵崑山界 漳浦北通練祁塘南通淺江 趙涇西南通漳
浦北通練祁塘 淺江東南通封家浜西北通鹽鐵塘 封家浜
南過月河江出吳淞江東北入橫瀝 新華浦西南通吳淞江東

北入橫瀝

西北塘浦之大者凡七

練祁塘之北起自西境東抵橫瀝北以劉家河為限

顧浦

見前

吳塘

見前

鹽鐵塘

見前

按境內之水以西南為源而顧浦吳塘鹽鐵塘則皆南通吳淞江北通劉家河界太倉嘉定之間方太倉未為州時劉家河之南岸皆邑之北境自割建州治而其地大牙相錯葛隆鎮以北大抵屬於州矣往顧浦之湮也夏尚書原吉嘗濬之下流與吳塘合濁潮由劉家河而入積久不疏僅存一線永樂中罷海運而邑之轉輸改出練祁自東徂西凡十三里而北入鹽鐵塘往復數十折以達於劉河潮汐再至澱淤日積開濬之役費大工繁往時為州者用奸民之言謂為嘉定咽喉之地我雖不濬嘉

定之人不得不代之濬也故每一役興輒至聚訟夫夾塩鐵而
田者數十里固以此塘之通塞為利病嘉定之人不與也獨謂
往來之途不得不出于此而欲以長策困之藉令此說可用乎
則處當效尤矣假如萬分一至和塘之在崑山東界者有時
而淤則崑山不當問謂太倉以東之人不得不代之濬也其在
長吳東界者有時而淤是兩縣不當問謂崑山以東之人不得
不代之濬也丹徒之河當委之毘陵毘陵之河當委之無錫輓
輸之道絕商賈之事廢矣此豈為通論乎今歲太倉助工銀八
百兩蓋舌敝唇焦而後得之然實不當所費五分之一况欲縮
之哉

徐公浦南通雞鳴塘北通郭澤塘黃姑塘西通吳塘東北經橫

瀝入劉家河 姜塘東通橫瀝西北入公塘出劉家河迤西為小

姜塘西通鹽鐵塘 公塘東南通姜塘西北出劉家河

東南塘浦之大者凡三十

吳淞江北起橫瀝抵江北以練祁為限又自江東抵海岸

中槎浦南通虬江西北通和尚塘 下槎浦南通虬江北通走馬

塘 虬江東南通吳淞江西通孫基港 庾店浦西南通虬江東

通槌樹浦 走馬塘西通橫瀝東南由江灣浦入吳淞江 馬陸

塘西通橫瀝東通楊涇 公孫涇西通橫瀝東通楊涇 西楊涇

南至廣福分水墩北通練祁塘 東楊涇一名荻涇東南通湄浦北通

練祁塘 沙浦東通吳淞江西通東楊涇 湄浦東通吳淞江西

通東楊涇 大場浦南通虬江北通封村塘 彭越浦南通虬江

北通走馬塘 桃樹浦南通虬江北通走馬塘 盧涇浦南通庾